



UNIVERSITÄTS-
BIBLIOTHEK
PADERBORN

**Volumen Epistolarum, Qvas Romani Pontifices, Gregorivs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorvm, Carolvm Martellvm, ...**

**Gretser, Jacob
[München], 1613**

LXX.

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

ADMONITIO.

Perioche huius epistola in manuscripto Codice nulla est. Ex Baronio igitur accipe istud Summarium. Carolus per Georgium Episcopum Papæ de suis certaminibus & laboribus pro B. Petro susceptis indicauerat; Quare Adrianus ipsi gratias maximas agit, commendans ipsi Georgium Episcopum.

LXX.

OMNIO excellentissimo filio, nostroq; spiritali Compatri Carolo, Regi Francorum & Langobardorum, atque Patricio Romanorum. Adrianus Papa. Omnipotens Deus repertor omnium, in cuius manu sunt omnia iura regnorum, reperiens, secundum eorum suum, vestram excellentissimam regalem potentiam, ipse eam ad magnam consolationem atq; exaltationem spiritualis matris vestræ, sanctæ Catholicæ atq; Apostolicæ concessit Ecclesiæ, quem vice Apostolica poscimus, præmia vobis vitæ donari æternæ. Quapropter suscipientes Georgium Reuerentissimum & Sanctissimum Episcopum nostrum à vestra triumphatissima præcellentia, tanta bona de vestro laborioso certamine atque beneficia, quæ erga beatum Petrum, clauigerum regni cœlorum, & nos geritis denuntiauit; quæ si enucleatius exarare voluissemus, nullus ori nostro sufficeret sermo, ut opinor. Sed ipse princeps Apostolorum, fautor vester, B. Petrus, pro cuius amore hæc omnia geritis, ipse vestrum protegat, atque in omnibus dirigat in triumphis regnum.

*Summ. 41.
Bar. 65
Cent.*

Verum

Verum fidelem ipsum reuerendissimum & sanctissimum praefatum Episcopum, vestrum nostrumque reperientes nimis eum vobis commendari poscimus, vt secundum suam certam fidem atque dilectionem, quam erga vos & nos gerit, ita consolatus, prorsusq; totus, nobis poscentibus, à vestra praefulgida regali potentia mereatur per se * clamare, vt dum per nostram suggestionem, vestram ampliatam super se praecipuam habuerit vndiq; beaiuolentiam, quietus pro vobis valeat fundere preces, nosq; in Confessione B. Petri, Apostolorum principis, solitas orationes enixius pro vobis fundentes, super omnes barbaras nationes victores inueniamini, atq; vna cum praecellentissima filia nostra, & spiritali commatre, domina Regina vestraq; nobilissima subole regni gubernacula, in æuum fruentes, in ætheriis arcibus cum sanctis omnibus regnare mereamini. Incolumem Excellentiam vestram gratia superna custodiat.

ADMONITIO.

NEquae huic Epistola praefigitur. Periocha in Cod. M. S. Apud Baronium & Centuriatores ita concipitur. Ipsum mendacij arguit & obiurgat, quod Rauennam ad electionem noui Pontificis legatos suos direxerit. Sed quisquis hic Summarium fecit, parum attente Epistolam legit. Nullum enim in ea verbulum, ex quo euinci queat, Carolum, tantum Imp. mendacij accusatum esse. Absit haec accusatio à tanto Pontifice; qui neque Carolum obiurgat, sed simplici narratione exponit, quid vetus mos in Electione Archiepiscopi Rauennatis ferat; modestissime simul rogans, vt Carolus multolorum sermunculis aures suas occludat.

Dors.